

পরীক্ষার্থী ।

'একজামিন যে এল বলে' ভাবছে বসে শিবু
 লাগেনা আর কিছুই ঘেরে ভাল
 পাশটা হবার আশার প্রদীপ এবার নিবু নিবু ;
 প্রস্তুত পায় যদি সে কাল ও—
 তাহ'লে ত' 'কেল্লা ফতে' ভাবনা কিছু আর
 থাকবে নাক মোটেই মানসেতে
 কিন্তু সে যে আকাশকুসুম একথাটা সার
 আছে জানা খুঁজি ভাল মতে ।
 নাইতে খেতে মন সরেনা বই খুলি সম্মুখে
 নীরবেতে কাটে দিবারাতি ;
 খাবার সময় তৃষ্ণা পেলো ঝোলের বাটা মুখে
 চুমুক মারে এমনি আছে মাতি ।
 মাতা বলেন "ওরে শিবু একমুঠা ভাত আনি
 ছুধের সাথে নেরে বাছা মাখি"
 "চুপ করোনা, আমার নিয়ে কল্লে টানাটানি
 ছুদিক আমি কেমন করে রাখি ।"
 খেতে শুতে বইখানি ঠিক সম্মুখেতে আছে
 মনের মাঝে জাগছে সদা ভয়,
 কেউ যদি কর একটা কথা আসি তাহার কাছে
 তাহার উপর দশটা কথা কয় ।
 রাতের বেলা পড়তে বসি শুধুই কেমন ভাবে
 কি পড়িবে অস্ত নাহি পায়
 মাথার উপর বিজলি-বাতি নীরবে হায় জাগে
 নভেলগুলা মলিনমুখে চায় ।
 নিশীথ রাতে এলিয়ে পড়ে অবসাদের ভারে
 বইয়ের স্তপে লুটায় তাহার শির

তবু ত ঐ সন্টুকু একটুখানির তরে
 ছাড়তে নারাজ ভয়ে ভারতীর।
 দেবতার প্রতি ভক্তি ভারি একজামিনের দায়
 নাস্তিক শিবু হয়েছে আস্তিক
 সকালবেলা মাছলি ধোওয়া জলটুকু গর খায়
 হস্ত গুণায় লাগে বা যদি ঠিক।
 দুইটা বছর অবহেলায় নষ্ট করি কাল
 ভাবনে হাসি দিলাম বড় কঁাকি
 তাইতো আজি পাশটা হবার ছাড়তে হ'ল হাল
 কোস'গুলি যে সবই বেবাক বাকী।
 সুযোগটিরে একটাবার করিলে হাত ছাড়া
 আর তাহারে পায় কি কেহ ফিরে
 তীরটা ছাড়ি তাহারে আর যায় না যে গো ধরা
 অবশেষে ভাসি আঁধি নীরে।

শ্রীশান্তিসুধা মুখোপাধ্যায়।

প্রথম বার্ষিক শ্রেণী

বিজ্ঞান বিভাগ

“এ” শাখা।